



Embassy of the
United States
MADAGASCAR



USAID
AVY AMIN'NY
VAHOAKA AMERIKANA



FANAMBARANA AN-GAZETY

Avoaka avy hatrany

23 novambra 2020

Mitondra herinaratra ho an'ny tokantrano sy orinasa any ambanivohitra miisa 5.200 ny tetikasa Power Africa an'ny governemanta amerikana

ANTANANARIVO: Nanolotra famatsiam-bola mitentina 1,2 tapitrisa dolara ho an'ny orinasa telo eto Madagasikara ny governemanta amerikana, amin'ny alàlan'ny Sampandrahahara Amerikana Misahana ny Fampandrosoana Iraisam-pirenena (USAID) sy ny tetikasa Power Africa, hampandrosoana ny tambajotra madinika izay hamokatra herinaratra ho an'ny tokantrano sy orinasa ambanivohitra maherin'ny 5.200. Izao famatsiam-bola izao dia tafiditra ao amin'ny ezaka ataon'ny governemanta amerikana mitentina 3 tapitrisa dolara hampitomboana ny famokarana angovo sy ny fahazoana herinaratra eto Madagasikara. Vokatra azon'ny tetikasa hatramin'ny taona 2018 dia vahoaka maherin'ny 57.000 no afaka nahazo herinaratra, ary amin'ny taona 2022 dia vahoaka mihoatra ny 400.000 no hisitraka an'izany.

5% monja amin'ny mponina any ambanivohitr'i Madagasikara no mahazo herinaratra mivantana na dia eo aza ireo loharanon'angovo azo havaozina toy ny masoandro, ny rivatra sy ny rano. Ary satria mety ho sarotra ny fidirana amin'ireo faritra lavi-toerana, dia izay indrindra no nampifantoka ny ezaka'i Power Africa amin'ny fampiasana ny herin'ny masoandro sy ny tambajotra madinika, miaraka amin'ny Ministeran'ny Angovo, ny Agence de Développement de l'Electrification Rurale (ADER), ary ny sehatra tsy miankina. Ny tambajotra madinika tokoa mantsy dia fitaovana iray lehibe hanafainganana ny fampandrosoana any amin'ny fiarahamonina ambanivohitra. Rehefa mitombo ny fampiasana herinaratra dia afaka mampiasa fitaovana sy milina maoderina ny orinasa, toy ny paompy fitarihan-drano sy vata fampangatsiahana izay hampandroso ny orinasa sy hanampy azy amin'ny famoronana asa. Na dia manana ny fahaiza-manao ilaina aza i Madagasikara amin'ny fananganana tambajotra madinika, dia orinasa maro no tojo olana eo amin'ny fahitana loharonom-bola. Ny fahafantaranana izay sakana goavana amin'ny fampandrosoana ny tontolo ambanivohitra izay noho ny tsy fisian'ny famatsiam-bola no nahatonga an'ny USAID sy Power Africa manolotra izao famatsiam-bola izao.

Ny volana Mey 2020 no natombok'i Power Africa ny tetikasa fampiroboroboana ny tambajotra madinika eto Madagasikara. Ity tetikasa ity, izay tantanan'i Power Africa's Southern Africa Energy Program (SAEP), dia hanampy ireo mpamorona tambajotra madinika izay nahazo alalana avy amin'ny ADER saingy sahirana amin'ny fitadiavana famatsiam-bola hanatanteraka ny tetikasany; misy koa ireo mpandrahahara efa mitantana tambajotra madinika izay antenaina fa hampiasa ny famatsiam-bola hanomezana herinaratra tokantrano vaovao hafa. Ny tetikasa dia manohana ny tanjon'ny fanjakana malagasy hahatratra ny 50% amin'ny fahazoana herinaratra manerana ny nosy amin'ny 2023.

Orinasa 17 no nanao fangatahana famatsiam-bola, ka taorian'ny fandinihana dia ireto no nahazo izany: **Autarsys Madagascar, Hydro Ingenierie Etudes Et Realizations (H.I.E.R), ary Henri Fraise Fils & Cie.** Raha atambatra dia hitondra herinaratra ho an'ny mponina maherin'ny 28.000 any amin'ny faritra telo: Amoron 'i Mania, Atsimo Andrefana, sy Boeny ny famatsiam-bola.

Autarsys Madagascar sy Henri Fraise Fils & Cie dia hanangana tambajotra madinika mampiasa takela-by mandray ny herin'ny masoandro (panneau solaire) sy batterie, ary Henri Fraise Fils & Cie kosa dia hanangana tambajotra madinika vaovao 100kW-crête. H.I.E.R. indray dia hanitatra tambajotra madinika



Embassy of the
United States
MADAGASCAR



USAID
AVY AMIN'NY
VAHOAKA AMERIKANA



efa misy, izay mampiasa ny rano ho angovo, ary efa tafiditra ao anatin'ny Tetikasan'ny Filoham-pirenena mikasika ny tanàna 100 hahazo famatsiana herinaratra any ambanivohitra.

Firenena 11 ary anisan'izany i Madagasikara no nokendren'i SAEP, eo ambany fitantanan'i Power Africa, hampiasana vola eo amin'ny sehatry ny angovo sy hanampiana ireo firenena mpandray anjara hampitombo ny famokarana, ny fitaterana ary ny fitsinjarana angovo. Amin'ny alàlan'ity tetikasa ity i Etazonia no manampy an'i Madagasikara hahatratra ny tanjony eo amin'ny sehatry ny angovo, amin'ny fanohanana ireo tetikasa mpamokatra herinaratra anaty tambajotra sy ivelan'ny tambajotra ary ny fampiroboroboana ny tambajotra madinika. Miara-miasa ihany koa amin'ny sekoly politeknikan'ny Universiten'Antananarivo i SAEP, mampitombo ny fahaiza-manao eo amin' fampivoarana ny tambajotra madinika.

Tamin'ny volana septambra 2020, i Power Africa dia namatsy vola mitentina 240.000 dolara ho an'ny orinasa sosialy frantsay-malagasy Nanoé mba hamatsiana herinaratra toeram-pitsaboana ambanivohitra 35 izay mikarakaraka marary 140.000 any avaratra atsinanan'i Madagasikara.

Ireo tetikasa ireo dia ampahany amin'ny ezaky ny governemanta amerikana hanitatra ny fahazoana herinaratra eto Madagasikara, ary mifanojo ihany koa amin'ny tanjona fampandrosoana ho fanamasiana ny demokrasia sy ny fahafaha-mahefan'ny fanjakana, ny fanamasiana ny fifandraisana ara-barotra sy ny toekarena, ary ny fampiroboroboana ny fizakan-tena maharitra. Izany no nahatonga ny USAID nampiasa vola mitentina 114 tapitrisa dolara tamin'ny taon-dasa eo amin'ny sehatry ny fahasalamana, ny tontolo iainana, ny angovo, ny fanjarian-tsakafo ary ny fanampiana vonjy aina eto Madagasikara.

Raha mila fanampim-panazavana mikasika ny tetikasa, manatona:

Rajiv Weeraratne, Deputy Chief of Party, Finance and Operations
Southern African Energy Program
Phone: +27 76 995 4243

Agathe Sector, USAID Power Africa Point of Contact
USAID Madagascar
Phone: +261 33 44 327 46

Raha mila fanampim-baovao, manatona:

Masoivoho Amerikana Antananarivo
Phone: +261/20-23-48000 x 2584 | AntananarivoPress@state.gov

USAID Madagasikara
Phone: +261/20-23-48000 x 2730 | agklei@usaid.gov

#